

բաժանեն Մանազկերտն Խամուրից ¹ և Գարաքիլիսայից, Արձէշն Իւջքիլիսայից, Վան Ռիատինից:

Ն Շ Ա Ն Ա Ի Ո Ր Լ Ե Ր Ի Ն Ք

Որչափ որ երկու դաշտագետիններու շուրջն շրջ-
թայք լեռնանման խոյացած են դաշտի վերան, սակայն
տեղ տեղ կը տեսնուին շղթայի ծայրի վեր բարձրացած
գագաթներ մեծ ու փոքր սարեր, որք անուն ունին
և սար կասուին, տեղ տեղ նաև շղթայն քիչ կամ շատ
խոնարհած է ուստի մարդոց երթեկեկութիւնը կը լինի,
սա ևս կէտուկ (կիրձ) անուն կը կրէ:

Ծաղկանց լեռներն, որք Ալաշկերտի դաշտի արե-
ւելեան հարաւ կրնինին, նաև Մուրատի սկսած վայրէն
ցխառնուրդ Շեռեանայ եղած ընթացքին հարաւն կամ
ձախ ափն ի վեր բարձրացած են:

Նպատ.— Ծաղկանց լեռներու ի հիւսիս խոնարհած
թևի և Մուրատի ձախ ափի վերայ ընդհատած վայրն
բարձրացած է մի փոքր լեռ—Նպատ, սորա հիւսիսային
ստորոտն գոգ մի կազմուած է, ուր կառուցուած է
այն մեծ և պատմական վանքն, որ Ս. Լուսաւորիչ շի-

1. Խամուր մօտ 100 գիւղ քուրդ ժողովուրդ ունի, դա-
րուս սկիզբներն ամբողջովին հայ էին, այսօր բոլորովին քուրդ
բնակիչներ հաստատուած են. Մուրատ ի հիւսիսոյ, Արածանի
յարեմտից պատած են զՍամուր, նաև արեւելեան և հարա-
ւային կողմէ պատած են Ծաղկանց լեռներու շղթայն, որով
այս վայրը Ծաղկանց լեռներու արեւմտեան հիւսիսային երեսի
ստորոտն կրնինի, Նշանաւոր հնութիւնք և շինութիւնք այս
տեղ կգտնուին, որով կարող ենք ասել թէ Ծաղկոտն գա-
ւառն է: